



大日本史記 本紀

八



門 4 曾 4
775
8

大日本史卷二十四



淳和天皇

淳和天皇諱大伴嵯峨帝弟也母妃藤原氏日本紀

曆五年生焉曰延曆五年生

十年四月甲午條載嵯峨親論其有中曰大第與

亦同唯紹運錄作五年十

紀要記為得故從之皇十七年四月加元服

本紀第二十四

權中納言從三位源光圀修

男權中納言從三位細條校



親王二十二年叙三品任兵部卿大同三年五月遷

治部卿皇紀五年轉中務卿皇紀弘仁元年九月立為

皇太弟皇紀年二十五水鏡二年二月遷居東宮皇紀十

四年四月十六日庚子嵯峨帝御前殿親諭天皇以

傳位類聚國史紀畧天皇避座而辭不許再奉表固辭不聽

明日造朝抱表陳情又不許十八日壬寅天皇踐祚

立皇子恒世王為皇太子皇紀嵯峨帝之志也神皇正統記

恒世王固辭於是立嵯峨帝之子無品正良親王為

皇太子皇紀畧正以大納言藤原緒嗣為傳公卿補任是日

遣使兩京賑給病民皇紀二十三日丁未詔曰詳觀列

代緬鑑前王或因事以別名或乘時而異號太上

皇利見踐曆執象修機文教與鵬翼齊飛武刃將日

車普運樂推之望幽顯猶激謳歌之誠華夷未已為

而不時成而弗居織女紫宸鎚銖黃屋弛擔四海高

謝萬邦遂乃抑損天皇之號俯同人臣之例替諸往

古未有前聞論之當今實非通式名不正則言不順

言不順則事不成聖人無名雖絕言象稱謂之義非

無故實宜上尊號為太上天皇皇太后曰太皇太后

皇后曰皇太后類聚國史紀畧按是時無皇太后桓

尊為皇太后三代實錄清和紀稱贈太皇太后皇太后桓

氏長岡山陵者是也其贈太皇太后年月無所見蓋

在此時而無^贈追等字蔡與生者同書法 二十六日
亦變例也其為桓武藤原皇后可雅知矣
庚戌中納言兼右近衛大將文室綿麻呂薨紀畧補任
十七日辛亥天皇即位于大極殿紀畧按本書不載宮殿今據玉海治
兼四右大臣兼左近衛大將藤原冬嗣如故補任詔所
年文右大臣兼左近衛大將藤原冬嗣如故補任詔所
貸諸國飢民稻未納悉免之類聚國史夏五月甲寅朔詔
追尊皇妣妃藤原氏為皇太后祈晴費布禰紀畧中納
言良岑安世兼右近衛大將補任三日丙辰差使奉幣
馬於丹生川上以祈晴紀畧五日戊午流甲焚賊酋吉
弭候部井出麻呂等於伊豆類聚國史賑給伊賀飢病六
日己未以諸國疾疫百姓窮弊權停貢相撲人二十

日癸酉詔曰乾坤交泰庶品賴其仁雲雨行施群生
仰其澤故提衡御極握犁登樞莫不因時而布恩應
天而分惠也朕居纘戎之業有若馭命受光啓之符
無忘履薄懼八政之或舛憂一物之未安務存含育
情汲施生今盛德在天長養應期思迪順陽之令範
以播乘時之沛澤其僧綱及京畿諸寺僧尼知行有
聞并年八十已上宜量賜物但外國僧尼者百歲已
上穀人四斛九十已上三斛八十已上二斛天下給
侍高年百歲已上三斛九十已上二斛八十已上一
斛其五位已上子孫年二十已上者特叙當陰之階

力田超衆者宜叙爵一階孝子順孫義夫節婦表其

門閭終身勿事類聚國史紀畧六月三日丙戌卜定皇女氏

子內親王為齊宮類聚國史紀畧不載其名按三代實錄氏子薨下文伊勢齊宮紀要

記是時罷仁子卜定氏子今據之四日丁亥奉幣貴布禰乙訓廣湍

龍田奉幣馬於丹生川上祈雨六日己丑追冊故妃

高志內親王為皇后紀畧二十四日丁未地震類聚國史紀畧

秋九月四日丙辰奉幣和泉大鳥積川兩社七日己

未奉幣太神宮並祈雨十七日己巳以祈雨不應讀

經城內七日並禁殺生紀畧是月以旱疫免長門參河

遠江今年庸賑給美濃河波飢病類聚國史八月二日癸

未皇太子加元服皇代紀皇代畧記六日丁亥發穀二

千斛賑給近江咳疫民類聚國史十一日壬戌御大極殿

奉幣太神宮十二日癸巳地震類聚國史九月壬子朔

日有食之二十四日乙亥御武德殿覽信濃貢馬賜

親王己下參議已上各一匹紀畧冬十月二十一日辛

丑夜大藏省十四間長殿火二十四日甲辰幸佐比

河修禊敕賑恤京師窮乏二十八日戊申以頻年不

稔免紀伊民庸類聚國史十一月十七日丁卯大嘗皇代

畧記皇帝王編年代記二十三日壬申加賀言渤海來貢紀畧

是夜盜行火於大藏省巡吏捕獲之二十四日甲戌

遣左兵衛督藤原綱繼奉幣帛於八幡大神揜日廟
類聚國史紀畧十二月四日甲申詔曰古之王者受命膺籙
文質相變損益不同興風致治垂範示訓通之古今
其揆一也頃者陰陽錯謬早疫更侵年穀不登黎毗
殘耗朕運鍾寶曆嗣奉洪基永思善政已忘寢食昔
早宮創構只爲三等之階露臺將營猶愛十家之產
興言遠想載懷景行夫濟世之道不可守株隨時之
宜豈合膠柱今欲要救流俗勤恤民隱公卿宜各陳
所思以匡不逮靡有隱諱其時世澆漓邦國顛瘁礼
服難辨多闕朝賀凶年之間欲停著用亦宜議奏九

日巳丑地震類聚國史按本書作乙丑此月十二日

壬辰公卿奏曰乾坤覆載合其德者聖人日月運行
齊其明者元后伏惟皇帝陛下體元立極執契提衡
開三面而中外荷其至仁撫五絃而早高賴其愷澤
猶慮雍熙之未洽更求無諱之直言臣等才畧庸疎
忝居非據無副天旨震愧兼深愚意攸及尋須上聞
其禮服者依詔停止但皇太子及參議非參議三位
以上並預職掌人等依舊著焉類聚國史紀畧十四日甲午
賑給兩京飢民紀畧二十三日癸卯召僧長慧勤操空
海等於清涼殿行大通方廣之法類聚國史紀畧年

狀要集抄引
日本後紀

天長元年甲辰春正月五日乙卯改元二月七日丙戌日無色有珥紀三月庚戌朔賑給美濃百姓飢病八日丁巳詔曰朕以不天幼罹衰疾未奉懷袖之教已違勤斯之恩歲月崢嶸其積久音塵渺邈不能逮瞻紫極以擢屠望白雲而殞越雖慎終之道禮制有限而追遠之悲胸襟無洩其五月四日者皇太后昇遐之日也五月之節宜從停廢雖然過絕窺覩理資武備防閑軒宥實屬戎容國之大事不可而闕思欲依舊事以閱人徒是則居安慮危之道也卿等宜指

奏聞二十六日乙亥公卿覆奏玄切播氣群生莫貴乎人紫極提衡聖德詎加於孝伏惟皇帝陛下情深罔極事切終身對凱風以無忘瞻寒泉而永慕爰臻忌月停此娛遊凡厥群臣不仕悽感但馬射之道於武尤要冀北龍駒不調則難馭山西猿臂資習而增奇夫九月九日者所謂重陽也龍沙廣宴之辰馬臺高賞之序風至時涼馬肥人暇古之王者多以茲日有觀馬射伏望乘此良節以臨射宮臣等請奉詔付外施行類聚國史紀畧按續日本後紀天長十年四月武不可關如所以改月日而類聚國史紀畧並缺他則知覆奏之後又改月日而類聚國史紀畧並缺他

無所 二十八日丁丑授新羅人一百六十五人乘田
考 爲口分田賜種子農具價類聚國史是春大旱令僧空海
修請雨經法於神泉苑二七日澍雨三日遍於天下
古事談係二月今從弘法行 夏四月六日乙酉御大
狀要集抄要記祈雨日記 極後殿遣少納言繼野王神祇大副大中臣淵魚大
祐忌部雲梯等奉御劍幣帛於太神宮類聚國史二十
一日庚子淡路飢賑給之二十二日辛丑幸神泉苑
放渤海獨遂鹿紀畧二十八日丁未令十五大寺及五
畿七道諸國讀大般若經以禳疫旱五月二日庚戌
奉幣天下諸神禳疫類聚國史畧六月十一日戊子安藝

旱疫詔賑給之祈雨日記引 二十二日巳亥置天台
座主元亨釋書係十月今從 二十七日甲辰幸神泉
苑賑給京師紀畧祈雨日記 秋七月七日甲寅先太
上天皇崩十二日巳未葬平城天皇八月丁丑朔奉
幣名神祈調風雨類聚國史畧九日乙酉太上天皇敕弘
仁元年權任流人等皆悉聽入京紀畧十七日癸巳奉
幣太神宮祈調風雨類聚國史畧二十日丙申公卿奏陳
六事曰人主發號施令必奉天時政化不逆時則風
雨應候災害不生尚書曰野無遺賢萬邦咸寧又曰
任賢勿貳公邪勿疑宜舉賢德去邪枉當今諸國牧

宰欲崇治聲則拘於法律不得馳騖邦國殄瘁職此
之由宜妙簡清公美才以任諸國守介其新除者特
引見以勸喻治方其反經制宜動不爲已者將從寬
恕無拘常法古者分遣八使巡視風俗考治否問疾
苦以舉善彈違宜量遣巡察使於諸國考其治否國
守古之刺史也堪任之人不可多得得一良守則宜
令兼帶數國小大之政從其所請一兩僚屬亦依請
任之而祿不厚則人不勸人不勸則治不立若其公
靡者攝國之中擇其殷阜以二守分給之試諸一國
明知治否然後令兼之又宜令諸氏子孫咸入大學

習讀經史學業足用量才授職從之三代格九月十

日乙卯復勅解由使類聚二十六日辛未賑給山城

窮弊百姓紀二十七日壬申列高雄寺於定額改名

神護國祚真言寺類聚冬十月丙子朔停多禰島

司隸大隅紀七日辛巳公卿言伏替舊章邀觀往冊

元正首祚品物咸亨萬國旁戾停朝覲於夏廷百蠻

會同仰膏澤於漢闕今陛下焄然在疚哀感猶深其

新嘗宴會既從停廢恐至元正亦停大禮春秋之義

卒哭之後得行吉禮伏望元日朝賀享賜等一隨舊

典詔曰朕雖逼諸權制始親萬機而過密之悲何曾

弭忘况霜露所感觸日增傷讌會之儀情未忍觀今
卿等所請理已專抑宜以明年元日受朝朝畢後朕
色復素終于諱月享群臣及樂縣並停但准舊例賜

節祿類聚國史紀畧

二年乙巳春正月乙巳朔以不豫廢朝十七日辛酉

敕遣右大臣藤原冬嗣於建禮門觀射禮簡閱六衛

隨中賜物是日地震二月二十六日庚子地震類聚國史

紀畧三月二十二日乙丑筑前女子一產三子賜正稅

四百束類聚國史癸酉晦以攝津江南四郡隸和泉夏四

月五日戊寅以右大臣藤原冬嗣為左大臣大納言

藤原緒嗣為右大臣皇太子傳如故紀畧補任七日庚辰

詔曰天地造物履幬之德以弘帝王濟世卹隱之仁

斯深故能務穡矜獄登群黎於富壽陶風湛化致一

代之雍熙朕恭兼馭託嗣守鴻基而誠慙經遠明謝

燭幽通宵輟寢軫納隍之情日旰忘食懷臨谷之懼

如聞諸國徃々疫癘不止又太宰府言肥後阿蘇郡

神靈池旱澇不增減而無故涸竭二十餘文者延曆

年中有此怪當時卜之旱疫告咎前事不忘取鑒今

日豈政術有乖戒以不祥歟昔周文引過消震地之

災宋景厲精移妖星之咎乃知德必勝妖善克弭患

欲襮茲殃唯資法力宜每寺齋戒以修仁祠鰥寡孤
獨不能自存者量加賑贍其卧病之徒無人救養多
致死七凡國郡司爲民父母奔而不顧豈稱子育宜
一一到門給穀與藥令得存濟又免除去弘仁十三
四兩年調庸未進類聚國史紀秋閏七月十六日丁亥彈
正尹四品佐味親王薨紀十九日庚寅講仁王經自
宮中以及天下類聚國史紀二十一日壬辰以江南四郡
復隸攝津八月二十七日丁卯命畿內七道巡察使
紀冬十一月二日庚午置施藥院使類聚國史紀二十八日
丙申賀太上天皇四十筭要記係四月皇紀或爲十月四日今從類聚國史紀

畧十二月三日辛丑隱岐言渤海來貢紀

三年丙午春正月三日庚午夜左兵衛府厨院火廝
女一人焚死五日壬申地震是日以左兵衛府火被
除南庭十四日辛巳地震二十三日庚寅又震二十
八日乙未遊獵并川野類聚國史紀二月十六日癸丑廢
備前田原池鑿神碕池紀二十四日辛酉地震類聚國史紀
紀二十五日壬戌賜在唐留學僧靈舩之弟妹稻一
千束類聚國史紀三月十日丁丑爲桓武帝講太上天皇宸
奎法華經於西寺七日紀夏四月五日壬寅幸南池
十日丁未幸神泉苑十二日己酉地震類聚國史紀五月

丁卯朔三品恒世親王薨紀畧六月六日壬寅地震是

日轉讀大般若經於便殿及大極殿限三日以防疫

癘祈豐年秋七月十六日辛巳御豐樂殿覽相撲避

平城帝國忌改用是日卿雲西方見類聚國史紀畧二十四

日巳丑左大臣兼左近衛大將藤原冬嗣薨紀畧補任八

月二十二日丁巳以中納言清原夏野兼左近衛大

將補任二十七日壬戌賑給左右京飢病及被水害百

姓類聚國史紀畧九月六日庚午始以上總常陸上野三國

為親王任國改守曰太守皇代紀要記並作始以親王為大國守且不繫日今

從三十一日乙亥奉幣太神宮冬十月二日丙申遊代拾

獵象前野類聚國史紀畧五日巳巳命博士等撰定令律問

答私記令義解十一月二十二日乙酉地震十二月十

三日乙巳又震十六日戊申遊獵大原野二十七日

己未公卿奏言天道無言待哲后而呈祉神功不宰

值仁君而降祥故景雲入歌有虞之化逾穆休氣叙

彩軒轅之業克宜伏惟皇帝陛下德等二儀仁敦萬

物與天合德尚憂寒暑之不均將地侷貲猶恐黎元

之未給伏見少外記從六位下都宿禰廣田麻呂左

大史正六位上御野宿禰清庭等奏偁七月十六日

申刻有五色雲見於豐樂殿之西紀伊守從五位下

占野王等奏偶去八月二十八日慶雲見於海部郡
賀多村伴島上又太宰大貳參議從四位上小野朝
臣峯守等奏偶去七月七日慶雲見于筑前那賀郡
皆彩色紛郁美麗非常臣等謹惟殿號豐樂驗四海
之歡娛島名聖諱表一人之有慶斯實曠古之所希
有歷世之所難逢也臣等幸值會昌之期頻觀希世
之瑞其爲抃躍寔百恒品不勝悅豫之至謹拜表陳
賀以聞詔曰朕以菲薄嗣膺丕基踐冰兢兢馭朽孜
孜膏澤不浹於黎庶風化莫澄於寰區克已惕懷未
知攸濟忽見公卿來表有賀慶雲之瑞朕德行無圓

慙以感物道化有缺何用勳神但惟俊入百工存職
匪懈雖零芝不効慶有餘焉萬民不瞻帝則未順雖
麟鳳在野吾猶懼矣自顧庸虛何之慶賀朕不敢當
之公等宜且停矣二十九日辛酉公卿再奏賀壬戌
晦詔曰朕以昧德忝纂君臨乘奔軫懷納隍銷志分
霄廢寢憂萬方之未安晷晷忘食懼八政之或殊近
有兆雲見諸内外公卿表賀辭不敢當尚亦頻奏拒
之不得誠如來表豈謂在已此則七廟之靈感應如
在二儀之感徵祥自臻今欲報德蒼天寄彼祖宗播
惠黎庶共此嘉貺可大赦天下

類聚國
史紀畧

四年丁未春正月癸亥朔以不豫廢朝類聚國史紀畧十五

日丁丑命畿內校田使略紀十六日戊寅天皇病未瘳

不御紫宸殿敕皇太子已下侍從以上觀踏歌夏四

月六日丁酉幸南池十四日乙巳幸神泉苑覽釣魚

類聚國史紀畧十七日戊申地震類聚國史二十二日癸丑幸神

泉苑釣魚類聚國史紀畧五月辛酉朔建延曆寺戒壇院要記

作五年獻岳要記作二十日庚午武藏獻白雉類聚國史

紀畧二十日庚辰詔中納言良岑安世東宮學士滋野

負主等撰經國集二十一日辛巳遣使奉幣天下名

神轉讀大般若經於大極殿三日以祈雨紀畧弘法行狀要集

抄引類聚國史第百七十按性靈集載是月乙酉於

大極紫宸兩殿屈百僧粵願文今推干支乙酉二十

五日也與此條事二十六日丙戌敕僧空海迎佛舍

利於內裏禮拜灌浴是夜雨濕地三寸紀畧弘法行狀要集抄祈

雨日記引六月二十二日壬子幸神泉苑賜中納言

日本後紀以下大舍人以上尚布有差秋七月六日乙丑幸神

泉苑釣魚十二日辛未地大震屋舍多頽連日不止

類聚國史紀畧八月十六日乙巳皇后宮亮大枝總成獻芝

草四株二十一日庚戌大風屋宇顛覆紀畧冬十月十

五日癸卯置甲斐牧監三代格二十日戊申御紫宸殿

賜宴群臣七月至是月地數震殆無虛日或有聲如

雷類聚國史紀畧十一月十三日辛未敕令諸國修文殊會

三代格十五日癸酉地震二十二日庚辰地大震聲如

雷二十四日壬午又震二十九日丁亥又震類聚國史十

二月戊子朔地震二日己丑又震十四日辛丑轉讀

大般若經於大極殿三日以禳弭地震類聚國史紀畧十六

日癸卯地震十九日丙午又震類聚國史

五年丁巳春正月十八日甲戌但馬言渤海使來二

十一日丁丑命畿內班田使紀畧二月五日辛卯地震

十二日戊戌又震十三日己亥卜定宜子女王為齋

宮十五日辛丑地震二十二日丁未御紫宸殿賜宴

侍臣三月四日己未地震十一日丙寅又震閏月四

日己丑幸神泉苑釣魚十二日丁酉幸南池令群臣

釣魚二十七日壬子以射殺萩原王流大中臣春繼

於伊豆類聚國史紀畧夏五月二十三日丁未京師大雨山

崩水溢漂殺人畜遣使賑給之紀畧六月三日丁巳地

震五日己未又震十五日己巳御紫宸殿賜飲群臣

賜內藏寮錢三百貫於侍從己上有差十七日辛未

幸神泉苑釣魚二十三日丁丑幸神泉苑雷雨山崩

水溢二十五日己卯地大震類聚國史紀畧二十八日壬午

班越後穀一萬斛以濟窮民紀畧秋七月二十九日壬

子詔曰朕以菲虛丕紹勳業道謝藏用化慙中孚春
氷兢兢日慎無倦秋駕標標夕惕何忘而薄德靡昭
翹心未高至和有虧咎徵荐臻頃者坤德慙叙山崩
地震妖不自作咎寔由人疑是八政或乖一物失所
歟靜言厥過責在朕躬黃畏天威無忘鑒寐其天下
狃犴有寬滯者有司覆審情狀令得申理又收葬道
殮掩骼埋胔班白不提指事使人老丁之徭永從寬
免八十已上及鰥寡孤獨不能自存者節級賜物早
以頒示咸使聞知矣八月十八日辛未遣大納言良
岑安世左京大夫石川河主等奉幣柏原山陵禱消

弭災變

類聚國史紀畧

二十二日乙亥幸神泉苑

類聚國史

二十

四日丁丑以山崩水溢遣侍從高板王神祇少副大

中臣磯守奉幣北山神九月十七日庚子御武德殿

覽信濃馬班賜參議已上二十五日戊申遊獵北野

冬十月五日丁巳地震二十二日甲戌地大震二十

三日乙亥又震十一月二十五日丁未地震

類聚國史紀畧

六年己酉春二月二十日庚午祈雨天下名神二十

八日戊寅讀大般若經於大極殿三日以祈雨

紀畧

月庚辰朔地大震夏四月五日甲寅幸南地十七日

丙寅以諸國疫癘敕度百僧

類聚國史紀畧

五月六日甲申

以澍雨降賜五位已上及諸衛物紀畧二十七日乙巳
敕諸國造水車三代格二十九日丁未太白晝見經日
不已紀畧六月三日辛亥停授京職絕戶田類聚國史十九
日丁卯幸神泉苑類聚國史紀畧二十一日己巳因幡高草
郡女子一產三子賜正稅三百束秋七月三日己卯
幸神泉苑類聚國史十七日甲午觀相撲於禁庭八月二
日己酉復覽相撲三日庚戌幸南池類聚國史紀畧十二日
己未幸神泉苑類聚國史二十七日甲戌祈晴貴布禰丹
生川上紀畧九月六日癸未地震十七日甲午幸神泉
苑召文人賜物有差類聚國史紀畧二十二日己亥御武德

殿覽信濃貢馬冬十月丁未朔御武德殿覽甲斐貢
馬紀畧十日丙辰幸泥濘池二十二日丁卯地震二十
八日甲戌遊獵栗前野類聚國史紀畧十一月丁丑朔日有
食之紀畧八日甲申施綿一萬五百屯於諸大寺僧類聚
國史紀畧十日丙戌佐渡女子一產三子賜正稅三百束
國史紀畧二十一日丁酉遊獵芥川野類聚國史紀畧十二月二
十四日庚午幸賀茂河修禊紀畧
七年庚戌春正月丙子朔以雨廢朝二日丁丑御大
極殿受朝賀阿波言景雲見越前言木連理十二日
丁亥地震二十二日丁酉又震類聚國史紀畧二十五日庚

子禊于鴨川紀二十八日癸卯出羽驛奏今月三日

大地震城郭官舍悉顛倒山崩水溢城中壓死十五

人傷損一百餘人依其申請差諸郡兵五百人以備

不虞類聚國史紀畧夏四月二日乙巳御大極殿覽出雲國

造所獻五種神寶及雜物紀三日丙午幸神泉苑十

一日甲寅幸南池御涼書殿賜文人已上物十二日

乙卯禊于鴨川御紫野院釣臺觀奠賜神祇官宮主

已上物有差類聚國史紀畧按禊鴨川者自去年十

二十一日甲子二品萬多親王薨紀二十五日戊辰

詔曰朕以菲昧祇膺瑤圖夙畏三靈憂勤四海景化

未孚皇猷尚鬱咎徵之責不招而臻如聞出羽地震

爲災山河致變城宇頽毀人物損傷百姓無辜奄遭

非命誠以政道有虧降斯靈譴朕之寡德慙乎天下

靜念厥咎甚倍納隍夫漢朝山崩據修德以禳災周

郊地震感善言而弭患然則克已濟民之道何不師

古哉所以特降使臣就加存撫其百姓居業震陷者

使等與所在官吏議量免當年租調并不論民夷闕

倉廩賑助修居宇勿使失職厭凶之徒早從葬埋務

施寬恩式稱朕意二十六日己巳以太宰管内及陸

奧出羽等國疫癘流行大死稍多敕天下轉讀金剛

般若經於國分寺三日訖期禁殺生五月六日巳卯
轉讀大般若經於大極殿七日禳地震疫癘類聚國史紀畧
秋七月六日戊寅大納言兼右近衛大將良岑安世
薨補紀畧十二日甲申遣使讀經十八寺奉幣天下名
神禳災類聚國史紀畧十四日丙戌賑給長門類聚國史十六日
戊子幸神泉苑震禁內災二十一日癸巳以災被玄
暉門紀畧二十四日丙申以不豫奉幣太神宮類聚國史紀畧
八月四日乙巳以參議藤原吉野兼右近衛大將補
十四日乙卯地震類聚國史是日內豎真野王獻芝草二
十九日庚午有犬登栖鳳樓而吠紀畧九月十四日乙

酉置藥師寺最勝王經會類聚國史紀畧按年中行事公事根源最勝王引此條以爲八月誤又
經會在三日蓋後世改月也 二十一日壬辰幸大
納言清原夏野山莊類聚國史紀畧二十二日癸巳御武德
殿觀信濃貢馬紀畧冬十月五日乙巳幸北野七日丁
未大納言藤原三守等上新撰格式類聚國史紀畧十日庚
戌雌雉集左衛門陳衛士射獲之紀畧二十七日丁卯
遊獵北野十一月五日乙亥地震二十五日乙未幸
栗前野類聚國史紀畧二十九日巳亥伯耆飢賑給之紀畧十
二月十六日丙辰幸芥川野類聚國史紀畧二十日庚申臨
建礼門頒幣諸陵紀畧閏月二日壬申幸北野八日戊

寅召名僧懺禮佛名經於禁中三日夜類聚國史紀

事公事根源佛名始於寶龜五年既見光仁紀但旧史書佛名始見于此

八年辛亥春正月十七日丙辰以不豫令王卿觀射

禮二十日己未內宴仁壽殿類聚國史紀畧按年中

弘仁四年考類聚國史弘仁中書內宴者四而十一

年至去年無所見是年以後連綿不絕恒例可知故

此後二月九日戊寅鑿山城綴喜郡香達池畧紀十八

日丁亥幸水成野類聚國史紀畧三月七日乙巳以佛舍利

五百顆藏太宰府管內國分寺諸定額寺畧紀二十一

日己未地震二十五日癸亥每寺讀大般若經七日

以防疫癘夏四月十日丁丑幸南池類聚國史紀畧二十二

日己丑停太宰府貢鹿尾脯等御贄二十五日壬辰

越前女子一產三子賜正稅二百束類聚國史六月丁卯

朔內宴賜皇太子已下左右近衛六位已上有差類聚

國史十四日庚辰無品基良親王薨紀畧是日地震類聚

國史二十二日戊子幸神泉苑類聚國史紀畧秋七月十日乙

巳賜大納言已下侍從已上深絹類聚國史八月丙寅朔

宴紫宸殿賜五位已上物四日己巳幸南池十日乙

亥幸神泉苑召阿波守善道真負主稅頭安野真繼

直講苜田種繼等論經義真負為座首論三傳義直

繼論三禮義十三日戊寅御大極殿奉幣太神宮祈

防風雨害類聚國史紀畧二十日乙酉山城河內各益置水

室三所紀畧二十二日丁亥幸神泉苑觀左右近衛相

撲二十六日辛卯地震二十八日癸巳幸神泉苑類聚國史紀畧

駿河荒廢地四十町為大野牧田類聚國史紀畧冬十月二日

丙寅長門飢賑給之紀畧十四日戊寅幸北野類聚國史紀畧

十一月九日癸卯免安房未納正稅七萬束餘類聚國史紀畧

十二月八日壬申遣參議左大辨藤原愛發奉幣賀

茂社告罷齋有智子內親王卜定時子女王類聚國史紀畧

齋院記十三日丁丑幸芥川野類聚國史紀畧十四日戊寅雷

紀畧是歲敕東宮學士滋野貞主等撰秘府畧文德實錄

九年壬子春正月乙未朔朝賀以皇子殤不舉樂十

日甲辰地震二十五日己未幸水成野二十七日辛

酉地震類聚國史紀畧夏四月二日甲子以將修大內遷御

本院紀畧十一日癸酉幸紫野院各院曰雲林亭類聚國史紀畧

紀畧十四日丙子皇后幸雲林亭觀農桑賜播殖者物

二十一日癸未和泉飢賑給之紀畧五月七日戊戌地

震類聚國史紀畧十六日丁未賑給近江滋賀淺井二郡遭

火災者類聚國史紀畧十七日戊申天皇避正寢讀大般若經

於八省院遣使敕練行僧所在讀經以祈雨紀畧十八

日巳酉敕曰去年秋稼不稔諸國告飢今茲疫旱相
仍人物夭折加以徃々大災民或失所宜令五畿七
道諸國限一七日轉讀經王轉禍爲福修善之間禁
斷殺生類聚國史紀畧十九日庚戌讀經於八省院庭以祈
雨敕四畿內國司零二十日辛亥雨紀畧六月二十八
日巳丑賜越前正稅三百束於土人秦乙麻呂賞修
治道路類聚國史紀畧秋七月五日乙未慶西寺講堂紀畧十五
日乙巳奉幣天下名神以防風雨類聚國史紀畧越前飢賑
給之紀畧二十二日壬子御八省院奉幣大神宮以防
風雨八月十日巳巳幸神泉苑召博士生徒等令論

義賜物有差類聚國史紀畧十一日庚午頒幣名神令十三

大寺轉讀大般若經以祈晴二十日巳卯大風雨河

內攝津洪水隄防決壞九月七日丙申賑給攝津被

水害者紀畧十日巳亥尾張海部郡女子一產三子賜

正稅一百束類聚國史紀畧十四日癸卯地震類聚國史紀畧十八日

丁未地震二十一日庚戌地震二十二日辛亥又震

類聚國史二十六日乙卯幸北野試鷹犬獵雙岳及陶野

幸雲林院賜侍從巳上物有差類聚國史紀畧冬十月十四

日壬戌御紫宸殿宴賜侍臣紀畧二十一日巳卯又御

紫宸殿宴群臣賜物有差類聚國史十一月二日庚寅以

右大臣藤原緒嗣為左大臣大納言清原夏野為右

大臣紀畧二十三日辛亥遊獵栗前野類聚國史紀畧

十年癸丑春正月己丑朔以雨廢朝二日庚寅受朝

賀類聚國史紀畧二月十三日庚午淡路飢賑給之十四日

辛未令加賀國畫先聖先師像紀畧按令加賀畫聖像不知其由今無所

考十五日壬申右大臣清原夏野上令義解本書二

十四日辛巳天皇將讓位遷居西院按西院即淳和院也是日

地大震類聚國史紀畧二十五日壬午近江飢賑給之紀畧二

十八日乙酉讓位於仁明帝類聚國史紀畧續日本後紀上尊號

曰太上天皇帝辭之仁明帝不從以嵯峨上皇在故

稱天皇曰後太上天皇兼和元年十月幸雲林院遊

獵北郊七年五月不豫六日辛巳顧命曰予素不尚

華飭况擾耗人物乎歛葬之具一切從薄朝例凶具

固辭奉還葬畢釋縗莫煩國人葬者藏也歛人不觀

送葬之辰宜用夜漏追福之事同須儉約又國忌者

雖義在追遠而絆若有司又歲竟分絲號曰荷前論

之幽明有煩無益並須停狀必達朝家夫人子之道

道教為先奉以行之不得違失又曰予聞人歿精魂

歸天而空存冢墓鬼物憑焉終乃為崇永貽後累宜

碎骨為粉散之山中中納言藤原吉野奏曰昔菟道

稚彥皇子遺教碎骨散棄後世效之然是親王之事
而非帝王之迹我國不起山陵所未嘗聞也山陵猶
宗廟也若無宗廟臣子何所仰天皇曰予氣力綿綴
不能論決卿等宜奏嗟哉聖皇以蒙裁耳八日癸未
崩於淳和院年五十五續日本後紀按本書及類聚
國史紀畧作五十九說見題
下謚曰日本根子天高讓彌遠尊裝束山作養民等
司遺詔不受葬於山城乙訓郡物集村碎粉御骨散
大原野西山嶺上遵遺制不置國忌陵戶不列荷前
續日本後紀稱曰淳祿天皇又曰西院帝正統記天皇嘗
問僧道昌曰帝王殺生之罪孰與臣下對曰帝王重

臣下輕曰帝王罪重寧有說乎對曰小僧竊見虞人
供御者割鮮數十以一供膳一御之費多兼飛走所
差雖少所殺亦多故其罪重至于臣下則不然山澤
有禁不聽縱獵弋釣所獲纔資口腹故其業輕天皇
曰善自是省遊虞緩山澤之禁三代實錄
清和紀

天保十巳亥年春二月十二日謹書寫之

中村萬喜直道

大日本史卷二十五

本紀第二十五

權中納言從三位源光圀修
男權中納言從三位綱條校

仁明天皇

仁明天皇諱正良嵯峨帝第二子也

紹運錄皇代紀一代要記作第

一子並非母皇后橘氏弘仁元年生焉

生年據歷代皇紀要記帝王編年記

皇后嘗夢手自引圓座累之其高不知所極每一加

累誦三十三天既而誕天皇初為親王

親王據日本紀畧日

四年四月淳和帝踐祚立為皇太子時年十四嵯峨

帝作書辭之淳和帝不從年十四以八月加元服皇
代畧天長十年二月二十八日乙酉淳和帝詔傳位
左大臣藤原緒嗣右大臣兼左近衛大將清原夏野
權中納言兼右近衛大將藤原吉野並如故左大臣
卿補是夕天皇上辭表曰照以明鏡妍虫難逃逼以
恩綸喜懼失據臣道德兩蕪進退多躓情性雙昧執
守無常誰昔扈先皇於姑射優游霜雪之光順聖后
於後園匍匐章珮之陰而皇帝陛下枉恩紫霄延登
分外啓榮耀於欲隱導慈訓於未知悲深所天愛鍾
猶子辭不獲免久辱滄雷露往霜來十載於此德誘

不倦顧恤殊甚思欲隨形逐聲心神是役終天畢地
身命不疲今亦推大寶以錫昭華避樞極以授乾象
前愧未已後懼更頻伏願日月貞明之景每照蒼生
雲雨行施之恩永潤品彙然則世寢喧嘩臣免譴誚
若不蒙允容悉纏衆讒君臣之議謂天下何淳和帝
不聽二十九日丙戌再上表曰人之所願天必隨道
之所通物不權臣兼恩詔伏瀝血誠既踰匝辰未蒙
允亮夫大陽方照空履將泮之冰棟汗頻流猶臨不
測之底蹈焦非懼涉呂須傾大道無私冀垂鑒許若
不獲已猶御閑蹤則民厭善仁世倦聖治然後逐洞

庭之野於事終宜也當今群品得所黔首繫心覆燾之恩江海可謝亭毒之德乾坤惟均加以雷門之下布鼓失聲朝陽之餘螢火難照意究詞盡不知所爲君舉必書恐遺物議伏用丹誠非敢矯飾懇懇之深重表陳請亦不聽天皇乃命車駕謁嵯峨太上天皇及太皇太后於冷泉院還御東宮丁亥晦詔立恒貞親王爲皇太子淳和帝致書辭之曰恭觀今日詔冊立愚子恒貞爲皇太子獻旨謬隆盛典曲施夫洊雷位重兼祧事尊非德不昇非賢何守恒貞年實蒙幼器非夙慧安可妄鍾大禮猥主七鬯肅奉周遑內知云

真請停嚴命更擇賢才在於重請寔知免咎縱使天綸不駐上令必行則失萬國以貞之望虧三辰曰敬之職三月戊子朔日有食之天皇答表曰伏覽詔旨曰恒貞年實蒙幼器非夙慧安可妄鍾大禮猥主七鬯夫輕者重之端小者大之本故魏宮岐疑非老大之情晉儲神姿是幼稚之謂然則聰慧在性不限年齡伏誓前言既有故實臣頻表懷抱心事共違家賓之慙倚誰爲助伏願假彼重明照朦昧資其寬博備遣忘臣之專愚聖衷所驗雖云無德庶幾有隣冀亟矜憐賜緩憤憤至誠不飾至敬無文伏表丹愿無

地取喻淳和帝彼書曰內揆已審請易太子沖鑒未
迴憂心如灼易曰主器莫若長子禮曰登筵則以上
嗣斯皆溫文既習聖敬克濟然後正位前星贊業東
序者也今恒負漢莊難擬周誦不追將何以裨光聖
明助聰天宸而思褒逾屆血訢不成獨謂非宜輿談
孰許恣龍樓之守爰墜匏俎之譏有聞望昭丹辭必
收紫渙山朝事隔無可關言父子體同理當分疏異
於發不恤緝尸不越樽之義是以重彼鋪陳佇蒙矜
聽天皇奉還其書二日己丑詔曰朕不免獻託馭朽
乘奔瞻公卿而兢懷顧兆庶而軫念思弘國憲無虧

成規後太上天皇憲章千古含有萬邦仁化未澆機
事溢脫今檢詔旨云天下多尊百姓所若避位之號
勿隨旧典夫太上尊號非唯一時秦日漢年稱謂尚
矣朕以禮之爲用所以達天道順人情之大寶也其
在人也如竹箭之有筠也如松柏之有心也故貫四
時不改柯易葉是以聖人知禮之不可以已也冀脩
先王之制禮不私至公之典要朕先自重表遂蒙拒
逆空庸之軀謗讒總集若猶奉順聖慮改易正名天
下仰瞻何用取信宜上尊號爲太上天皇皇太后曰
太皇太后皇后曰皇太后普告天下令知朕意淳和

帝致書辭尊號天皇不敢從六日癸巳即位於大極
殿年二十四七日甲午遷自東宮權御松本院八日
乙未始臨朝十一日戊戌以大納言藤原三守爲皇
太子傳十五日壬寅御紫宸殿賜群臣酒賜親王已
下衣被有差是日罷權中納言藤原吉野右近衛大
將令陪淳和院二十日丁未轉讀大般若經於大極
殿祈穀穰疫禁斷天下殺生三日二十四日辛亥以
從三位橘氏公爲右近衛大將二十六日癸丑以皇
女久子內親王爲齋宮高子內親王爲齋院二十七
日甲寅遠江飢疫賑恤之夏四月戊午朔宴紫宸殿

按孟夏旬宴桓武帝延曆十二年始見孟冬旬宴天
武帝五年始見而見年以後往往不絕其爲恒例可
知故此三日庚申預霜二十一日戊寅詔曰鷄觀之
後不書上日照先被龍輅所過恩典便降嵯峨院者先太上
天皇光臨之地第宮聳構分東西之名區芝蓋駐蔭
追汾陽之高賞宜遊斯在引年其深然則當邑之毗
須霑慶幸近壤之戶豈無優恤時惟長羸方申亭育
思順天序式施惠澤山城葛野郡貧民去年借貸未
入者及雜賦未進等宜特免之是日制五月節儀用
五日二十二日己卯遷御內裏二十五日壬午御大
極殿觀出雲國造所獻神宝受神壽五月十一日丁

西武藏言多磨入間兩郡畧置悲田所建屋五宇以
資行旅許之是日敕令越前加賀能登佐渡上野下
野甲斐相模武藏上總下總安房等諸國貢相撲人
十五日辛丑天寒人多著襖子二十五日辛亥不豫
二十六日壬子火和言頻年不登例舉有欠請準弘
仁十年官符借國中富民稻以賑飢民許之仍敕曰
夫富豪所貯是貧窶之資也如聞先來所行吏非其
人只事借用無意返給所以貧富俱弊周急憐絕宜
至秋收特遣使者悉令返給二十八日甲寅詔曰夫
一穀不贍百姓不嗛必遵救乏之典兼明勸穡之義

是則求瘼恤隱固本厚生雖沿革有時而斯塗無爽
朕虛膺明命撫字黔黎思緝和平之猷以登仁壽之
域如聞諸國去年穀稼頗亦豐稔今茲元元阻飢且
疫朕爲之司牧未克綏之靖言念焉憮然何弭况小
暑甫至藝殖所盛不有矜惜恐失肆力京畿七道諸
國飢民宜量加賑給令獲支濟事委守宰必也審察
務崇簡惠允副朕意六月二日丁巳禁山城近江丹
波等近都之山施作坑窰機槍六月以下三日戊午
令諸國貯賑給稻三代七日壬戌不豫公卿陪殿上
召僧加持分施被綿於七寺轉經以禱八日癸亥公

卿率衆僧侍殿上是日有間令神祇伯大中臣淵魚
奉幣賀茂大神又命天下修理神社寺塔破壞敕曰
如聞諸國疫癘久凶者衆自非修善何以禳災宜令
諸國各請練行僧限以三日晝轉金剛般若經夜修
藥師悔過九日甲子大赦天下詔曰雲行雨施穹蒼
所以宜慈含垢匿瑕元后於焉播澤朕肅秉丕構詢
以政塗大庇生靈期於寧濟夫赦令者本稱姦人之
幸亦有奔馬之喻朕非不知之但欲令其悔惡自新
變音遷善加以特有所念感事興懷宜流肆宥之恩
式暢作解之典唯常赦所不原者不在赦限又去弘

仁元年坐事配流者雖自陷朝憲而久憐淪翳安倍
清繼百濟愛筌故藤原仲成男等並量移近國從五
位下藤原貞本殊放還京速告赤縣莫後青衣敢以
赦前事告言者以其罪罪之已丑是月無已丑蓋乙丑之記乙丑十日也
也天皇疾瘳二十三日戊寅禁卷藻爲漁敕曰豺獮
已祭虞人入澤鷹隼初擊獵者罔山是故殺不以禮
曰暴天物取不以義爲逆時候如聞山城民藻卷捕
魚惠薄潛鱗害及昆虫微物失所旣非德政之美下
民大命殆是濫殺之報嚴加禁斷勿令更然此條類聚國史
二十八日癸未地震秋閏七月乙卯朔奉幣天下名

神豫防風水害二十四日戊寅越後言去年疫癘旁
發春耕失時寒氣早侵秋稼不稔今茲飢疫相仍死
亡者衆凶年之弊雖賑猶乏望請被許糴糶資此窮
民許之二十八日壬午以霖雨奉幣於丹生川上松
尾賀茂貴布禰等社以祈霽焉奉幣已八月甲申朔
日有食之十日癸巳親先太上天皇及太皇太后於
冷然院九月二十五日戊寅遊獵栗栖野冬十月十
九日辛丑楔賀茂河十一月二日甲寅雷四日丙辰
又雷九日辛酉本書作辛丑又雷十五日丁卯本書
卯今從類御八省院修禋祀十二月九日辛卯詔曰
聚國史

如聞諸國糴糶有利於民無損於公自今以後不立
年限永俾行之十三日乙未行幸并川野遊獵栗隈
山

兼和元年甲寅春正月二日癸丑親後太上天皇於
淳和院三日甲寅改元詔曰三徵遞代必制之以嘉
名五運因循終甄之以徽號是知正始重本之典群
后同符履端建號之規百王合契朕恭膺明命續守
鴻基分至推遷節候亟換方今攝提發歲天紀更始
之辰大簇報春品彙惟新之日宜有草創以光旧章
其改天長十一年爲兼和元年四日乙卯親先太上

天皇及太皇太后於冷然院七日戊午御豐樂殿觀
青馬是日命僧空海修後七日御修法真言院御修
法始于此是日以下據弘法行狀要集抄引纂十六
日丁卯先是太宰府言慶雲見筑前公卿表賀敕報
曰禎符之應不肯虛行靈貺攸臻必鍾實德所以唐
堯上聖猶讓而不矜漢光中興固距而鮮記朕丕兼
室曆司牧寰區化謝暨幽感乖動物而今景雲著見
公卿表賀朕之菲薄何以當之論不云乎百姓寧輯
風雨調和此亦瑞也然則安危在乎人事吉凶繫於
政術政術或或休祥未能成其美王道欽明咎徵不

能致其惡以此談之策勵為可冀也日慎一日雖休
勿休賀瑞之言聞而不聽十九日庚午任遣唐使以
參議藤原常嗣為持節大使彈正少弼小野篁為副
使二十五日丙子加賀疫癘賑恤之二月壬午朔日
有食之八日己丑行幸并川野十日辛卯敕曰萬民
安樂五穀垂穎不如最勝希有之力宜令諸寺有封
戶田園堪資供者勤修最勝王經法十二日癸巳敕
用禁金銀薄泥十三日甲午加賀石川郡女子一產
三子賜正稅三百束三品明日香親王薨是月越後
石見飢賑恤之三月二十日辛未有物數百飛鳴于

禁殿之上聲似海鷗

此條本書係二月今併考夏四月二日壬午公卿又表請賀慶雲制可六日丙戌敕

曰飭災未萌兼致豐稔修善之力職此之由宜令畿

內七道諸國擇國內行者於國分僧寺限以三日晝

則轉金剛般若經夜則修藥師悔過迄于事畢禁斷

殺生如有疫病亦各禳祭

此條舊史丙戌上衍四月二字置丙午下今訂之

二十日庚子停紀傳博士加文章博士一員

此條類聚國史

二十六日丙午敕京城諸寺轉讀大般若經一部金

剛般若經十萬卷以禳疫氣五月十五日乙丑敕相

模上總下總常陸上野下野等國司戮力寫一切經

六月十五日甲午講仁王經於紫宸殿常寧殿及建

禮門八省院諸堂宮城諸司諸局東西寺并南羅城

門凡百座以祈雨十七日丙申祈雨群神十八日丁

酉地震二十六日乙巳丹後飢賑給之二十八日丁

未奉幣太神宮及畿內七道名神以祈雨二十九日

戊申伊勢飢賑給之己酉晦轉讀大般若經於大極

殿祈澍雨兼防風災秋七月八日丁巳雨十一日庚

申御紫宸殿宴賜群臣十二日辛酉雨水十三日壬

戌奉幣畿內名神命諸大寺及諸國講師修法以防

淫霖十七日丙寅越前出雲飢賑給之二十二日辛

未賜陸奧鎮守府印八月三日辛巳覲於冷然院九
日丁亥先太上天皇遷嵯峨院十二日庚寅曲宴清
涼殿是日芳宜華讌賜近習已下近衛將監祿有差
二十一日巳亥暴風大雨按本壞舍走幣畿内名神祈之
九月十一日戊午奉幣太神宮按九月奉幣元正帝
養老五年始見此後
率在他月難以爲例是年以後在九月且七年九年
並云例也據此爲永制可知故自此以往在九月者
不冬十月二日巳卯佐渡言慶雲見授位賜物詔曰
朕恭臨紫宸撫宇蒼元化異成平道慙交泰將何以
繼明前燭通感上靈去年景雲見筑前國演九玄之
潛貺綴五彩而擗章朕之菲虛推而不處距公卿之

奏寢慶賀之言而彼有同瑞出佐渡國公卿重表稱
慶游陳朕固辭不免詳求諸已豈伊寡德克致此乎
祇由宗廟之靈載効肝蠶之應今者嘉茲休祉用答
昊穹覃以湛恩普霑寓縣十一日戊子車駕幸象隈
野放鷹鷄十一月十一日丁巳左近衛將曹佐伯宮
成獻白鳥十二月五日辛巳詔施行令義解二十五
日辛丑雷

二年乙卯春正月三日巳酉覲先太上天皇及大皇
太后於嵯峨院十四日庚申敕相模上總常陸上野
下野等國分寫負元梵釋兩寺書目所載律論疏章

紀傳集鈔二十二日戊辰鑄兼和昌宝錢是日雷二
十三日巳巳天皇御射場二十八日甲戌遊獵芹川
野按元亨釋書是月幸攝津摩尼山見如二月二十
一日丙申御紫宸殿右大臣清原夏野獻芝草賜酒
侍臣賜物有差二十七日壬寅遊獵水生瀨野三月
丙午朔宴紫宸殿二日丁未地震十四日巳未太宰
府言壹岐島遠居海中地勢隘狹人數寡少難支機
急頃年新羅商人來窺不絕非置防人何備非常請
令島徭人三百三十人帶兵仗戍十四所要害之碕
許之十六日辛酉下總飢賑之夏四月二日丙子敕

曰象箸損上禮存寧儉王者則之古今合契朕雖菲
昧敢予恩齊去泰就約夙關情慮如今所有朕之兒
息除親王之號賜朝臣之姓先太上天皇丕恩罔極
玄澤更加不令別姓冒以源氏使與曾叔而同襁共
濬汎而混流其前號親王仍曰不改同母後產猶彼
一例等制準弘仁五年天長九年兩度敕書宜告中
外咸俾聞知三日丁丑敕令十五大寺轉讀大般若
經以禳諸國疫癘此條類聚國史五日巳卯敕天下修文殊
會按三代拾天長元年置文殊會五月十一日乙卯
避暑神泉苑六月二十九日癸卯敕令十五大寺轉

讀大般若經以祈豐稔又敕東海東山兩道河津之
處加置渡舟類聚國史又是夏近江伊勢越前加賀長
門飢賑給之秋七月甲辰朔宴紫宸殿二日乙巳走
幣天下名神禳風雨之災三日丙午以讚岐正稅穀
賑淡路飢民五日戊申奉幣大神宮防風雨之災十
四日丁巳御紫宸殿始令正四位下管原清公侍讀
後漢書二十日癸亥禁採雲母珠近江此條八月甲戌朔
霖雨霽賽畿內名神賑恤佐渡飢疫二十一日甲午
宴紫宸殿二十六日巳亥賜太宰府所貢深綾於見
直五位已上按天長七年七月八年七月賜太宰府
深綾據之蓋恒例也然今無所考定

九月癸卯朔宴紫宸殿冬十月十三日甲申幸箕津
野放鷹二十三日甲午奉新錢於嵯峨淳和兩院賜
皇太子及見直親王以下五位以上二十六日丁酉
雷冬十月以二十八日巳亥施新錢四萬於京城平
城名寺類聚國史十一月七日戊申敕禁僧尼濫行三代
十二月辛未朔御紫宸殿賜群臣酒賜侍宴親王以
下五位以上物有差十五日乙酉遊獵并川野二十
日庚寅能登飢疫賑給之二十二日壬辰幸神泉苑
放隼
三年丙辰春正月三日癸卯觀先太上天皇及太皇

太后於嵯峨院二十二日壬戌幸神泉苑戊戌此月無戊

戊蓋戊辰之訛也辰二十八日也 幸神泉苑放雉二月十三日壬午

幸神泉苑放鷓隼二十日巳丑幸神泉苑放雉三月

庚子朔宴紫宸殿十一日庚戌又宴紫宸殿十二日

辛亥地震是春伊勢尾張石見飢賑之夏四月十七

日乙酉御紫宸殿觀賀茂祭使五月三日辛丑避暑

神泉苑釣魚九日丁未敕去歲冬雷恐有水害疫氣

之災宜建立灌頂道場於東大寺真言院置二十一

僧夏中及三長齋月修息災增益之法以鎮國家永

為恒例十日戊申詔贈故入唐大使藤原清河故留

學問安倍仲滿故入唐使石川道益故入唐判官紀

馬主田口養年富耳南備信影紀三寅掃守明位有

差十四日壬子遣唐使發自難波十八日丙辰大風

雨折木發屋二十日戊午地大震六月戊戌朔救日

者陰雨不降陽旱彌旬不有豫慎恐損秋稼宜令東

西二寺及十三大寺畿內諸寺轉讀經王六日癸卯

奉幣松尾賀茂住吉壘水等社祈雨十三日庚戌地

震此條類聚國史二十一日戊午宴紫宸殿是夏備中加賀

伯耆若狹薩摩能登飢賑給之秋七月六日癸酉白

虹東方見十四日辛巳因幡飢賑之十五日壬午本

既日據類聚國史紀畧補之 敕方今時屬西成五穀垂穗如有風

雨愆序恐損秋稼宜令五畿內七道諸國奉幣名神

禳災未萌長官率僚屬自親齋戒祭如神在心致徵

應十六日癸未以諸國疫癘救畿內七道諸國司轉

讀大般若經奉幣國內名神此條類聚國史紀畧是月太宰府

驛奏遣唐使舶海中遭風漂迴八月二十四日辛酉

轉讀大般若經於八省院以禦疫氣九月丁卯朔御

紫宸殿宴侍臣賜綿十五日辛巳遣唐使入京類聚國史

十一月九日甲戌有怪雲竟天二十八日癸巳因幡

八上郡女子一產四子賜正稅三百束此條類聚國史十二

月六日庚子天皇御建禮門發遣太神宮幣帛是日

敕曰頃者霹靂于四天王寺破壞塔廟恐是咎徵宜

令東大新樂師興福元興大安四天王等十九寺轉

讀大般若經三日夜二十二日丙辰幸神泉苑放隼

四年丁巳春正月三日丁卯觀先天上天皇及太皇

太后於嵯峨院二月二十日癸丑備前飢賑給之三

月四日丁卯彗星東南見七日庚午尾張河溢詔彼

課口三分之一二十日癸未美濃言兵庫自鳴二十

二日乙酉為再發遣唐使奉幣帛於太神宮是月遣

唐使發和泉淡路美作飢賑給之夏四月十六日戊

申陸奧言玉造塞溫泉石神振動如雷五月七日已
已近城諸寺滿溢屢聞詔定別當令其糾正以文武
官五位明察親直者爲之二十一日癸未伊豫飢賑
之六月六日丁酉出羽最上郡建濟苦院八日巳亥
罷右大臣清原夏野左近衛大將八日以下十三日
甲辰有虹六見于內裏紀畧十六日丁未救五畿內七
道諸國奉幣名神豫防風雨此條類聚國史神祇部
及紀畧係巳未未知孰
是十九日庚戌地震二十一日壬子救疫癘間發疾
苦者衆宜令五畿七道於國分寺始自七月八日限
三日晝讀金剛般若夜修藥師悔過迄于事竟禁斷

殺生此條二十二日癸丑遣使山城大和河內攝津

近江伊賀丹波等七國鎮祭以禦沴氣類聚二十三

日甲寅以中納言源常兼左近衛大將二十八日巳

未備後飢賑之遣使山城大和等奉幣名山以祈雨

遣使以秋七月十六日丁丑地震二十二日癸未太

宰府馳傳言遣唐使遇逆風而歸八月二十九日庚

申後陸奧課丁三千二百餘人五年九月二日壬戌

地震四日甲子不豫頒遣中使誦經七寺八日戊辰

遣式部少輔良岑木連於八幡宮齋幣帛賽宿禱此

類聚二十九日巳丑天皇疾瘳冬十月辛卯朔以霖

國史

雨經日穀價踊貴召左右京亮右衛門檢非違使於
殿前宜救遣之勅錄東西兩京飢病百姓賑恤之七
日丁酉右大臣清原夏野薨十一月八日戊辰幸神
泉苑放雉二十七日丁亥復幸神泉苑放雉十二月
庚寅朔日有食之二日辛卯夜盜入春興殿竊絹五
日甲午夜女盜二人入清涼殿宿衛捉獲一人十一
日庚子大風庚子按上有庚子不應復揭蓋庚夜盜
穿大藏省東長殿壁竊絕布二十二日辛亥遣六衛
府大索城中

五年戊午春正月三日壬戌親先太上天皇及太皇

太后於嵯峨十日己巳以大納言藤原三守爲右大

臣兼皇太子傅如故兼以下二月五日癸巳天皇御

射場觀賭射九日丁酉令畿內諸國司糾勅群盜十

日戊戌令山陽南海諸國司捕糾海賊十二日庚子

遊獵水生瀨野分遣左右衛門府生看督等於畿內

諸國追捕奸盜三月二十六日癸未敕改定取也夏

四月二日己丑敕遣使者於大和錄富豪之資借貸

困窮之輩至秋收時償之五日壬辰敕五畿七道諸

國自遣唐使進發至歸朝讀海龍王經七日甲午爲

去歲年穀不稔疫癘四發敕天下諸國讀大般若經

一七日禁殺生

此條類聚國史紀畧

十三日庚子以筑前筑後

肥前豐後等頒年遭疫且疫造船窮貧者給彼一年

十四日辛丑太宰府管内諸國飢賑給之二十一日

戊申備前飢賑恤之五月十八日甲戌轉讀大般若

經於八省院五日以祈天下豐樂

二條國紀畧

二十八日甲

申地震六月二日戊子又震

類聚國史紀畧

二十六日壬子

御清涼殿令大學助教直道廣公讀群書治要秋七

月五日庚申太宰府奏遣唐使進發

紀畧

十一日丙寅

幸萬野川觀魚是日大和飢賑給之

是日以下紀畧

十七日

壬申頒幣諸國名神以祈秋稼十八日癸酉有物降

如粉遇雨不銷或降或止二十日乙亥東方有聲如

鼓

此條紀畧

二十一日丁丑奉幣太神宮祈秋稼二十四

日庚辰以災異讀仁王經於紫宸殿三日

此條紀畧

二十

六日辛巳山城飢賑之二十九日甲申御八省院奉

幣大神宮以祈豐年八月十四日巳亥震於監物局

柳樹一男子震死十九日甲辰奉幣帛白馬於貴布

禰丹生川上以祈晴二十日乙巳暴風大雨壞民廬

舍二十三日戊申備前飢賑之

此條紀畧

二十八日癸丑

奉幣賀茂松尾乙訓垂水住吉等名神以祈晴九月

八日癸亥復祈晴於貴布禰丹生河上九日甲子不

豫停節但賜見直親王侍從已上菊醕十日乙丑誦
經七大寺施御被以禱疾從七月至是月河內參河
遠江駿河伊豆甲斐武藏上總美濃飛驒信濃越前
加賀越中播磨紀伊等十六國相繼言天雨物如灰
冬十月四日戊子遣左兵庫頭岡野王等奉神宝於
大神宮十三日丁酉召諸司官人能書者五位以下
四十人於冷然院寫金剛壽命陀羅尼經一千軸十
四日戊戌白虹竟西山南北二十二日丙午彗星東
南見其氣赤白竟天數許里十一月七日辛酉敕廻
者妖祥屢見氛祲不息思民與歲忘寢與食其令黎

庶無疾疫之憂農功有豐稔之喜莫如般若妙詮之
力大衆不二之德普告京畿七道令書寫供養般若
心經限以三日禁斷殺生二十七日辛巳皇太子加
元服於紫宸殿十二月十五日己亥流遣唐副使彈
正少弼小野篁於隱岐

六年己未春正月甲寅朔以皇妹芳子內親王薨廢
朝七日庚申御紫宸殿覽青馬二十三日丙子彗星
西方見長一丈許閏月二日乙酉觀光太上天皇於
嵯峨院十六日己亥行幸美都野十八日辛丑遊獵
水成瀨野二十三日丙午敕如坻之貯由有年多稔

之獲在務業去年勸農諸國致稔今茲不勸習俗猶
怠宜令諸道諸國勸課農桑必期豐衍又敕如聞諸
國疾疫百姓大折宜令天下國分寺限以七日轉讀
般若兼遣僧暨隨道治養又令鄉邑每季敬禮疫神
二月十三日乙丑幸神泉苑遊覽北野皇太子從駕
駐驛於右近衛馬埒命先驅近衛等騁試御馬十五
日丁卯令東西兩寺講讀般若心經以攘彗星三月
四日乙酉給被陸奧窮民三萬餘人三年救相摸武
藏上總下總常陸上野下野七國寫大藏經十六日
丁酉流遣唐知衆船事件有仁曆請益刀岐雄貞曆

留學生佐伯安道天文留學生志斐永世等於佐渡
二十九日庚戌祈雨於費布禰雨師二神有應賜諸
衛府等物有差夏四月二日癸丑遣使伊勢索捕名
張山中私鑄錢群盜七日戊午地震美濃惠奈郡飢
賑給之十日辛酉祈雨於丹生雨師神十七日戊辰
不豫誦經都下七寺敕頒幣於松尾賀茂等諸社又
限七日讀仁王經於十五大寺以祈雨二十日辛丑
敕七道諸國宰奠幣名神以幣二十一日壬申遣使
奉幣大神宮及山城宇治綴喜大和石成須知等社
祈雨二十五日丙子遣參議安倍安仁中務大輔紀

名虎等於神卯皇后山陵謝伐陵樹二十六日丁丑
陸奧奏客星見地震又以州請益多賀城戍兵一千
二十七日戊寅轉讀大般若經於八省院三日以祈
雨諸司醋食及晚雨降五月十二日壬辰河內獻檣
樹高僅二寸餘而花六月庚戌朔遣使丹費二社四
日癸丑敕諸寺讀經悔過三日夜以祈雨六日乙卯
令東西市人粵於朱雀大路六日以下紀畧十五日甲子慶
讚諸佛像於東寺十六日乙丑敕頂緣旱涸頒使祈
雨頗似有應未能普潤宜請七大寺僧於東大寺三
日夜間令稱龍自在王如來名號二十八日丁丑夜

有赤氣方數十丈從西南至紫宸殿上去地二十許
丈光如炬火須臾滅秋七月五日甲申以有怪轉讀
大般若經于紫宸常寧二殿八日丁亥地震二十一
日庚子令畿內國司勸種蕎麥八月庚戌朔嵯峨上
皇不豫天皇親焉是日敕諸國重修文殊會四日癸
丑又親嵯峨院讀經延曆寺以禱上皇疾是日祈晴
於丹費二社是日以下紀畧七日丙辰敕內外諸國奉幣神
祇以祈秋稼九月十七日乙未遣唐持節大使藤原
常嗣還自唐二十二日己亥敕停諸國國分寺最勝
王經會吉祥悔過修之國廳以為恒例冬十月己酉

朔越前言慶雲見八日丙辰重禁麥苗飼馬十三日
辛酉奉唐物於太神宮十一月二日庚辰御大極殿
遣使奉幣於太神宮五日癸未齋宮災燒官舍一百
餘宇十二月二日庚戌遣參議文室秋津奉幣於大
神宮告齋宮災八日丙辰公卿表賀慶雲敕曰上靈
施貺允歸神功玄鑿降休必佇茂烈是以德佩就日
猶揚克讓之謙光化揮仁風逾發靡記之挹損朕祇
兼否緒嗣守宗祧履薄以想雍熙馭朽以求至道而
誠慙經遠明謝動天何以致景雲之禎祥當槐棘之
奏賀若嘉穀栖畝種楛亘原雖匪郁郁之非煙而朕

之往寧也古人不云乎見祥增戒則休徵應機人貢
忠誠以輔不逮重賀之事都所不牟十三日辛酉御
建禮門分遣使者奉唐物於後田原八島楊梅柏原
等山陵十七日乙丑遊獵於水成瀨野二十日庚午
再御建禮門奉唐物於長岡山陵

七年庚申春正月十一日戊子不豫十三日庚寅地
震二十日丁酉以不豫停內宴二月二日己酉覲于
先太上天皇及太皇太后十二日己未以京師多盜
六衛府巡夜十四日辛酉召還流人小野篁十六日
癸亥召還流人伴有仁刀岐雄貞二十三日庚午敕

如聞軒宄之賊寔蕃有徒或暗夜放火或白晝奪物
靜言流弊情切納隍宜下知左右京職五畿七道諸
國嚴加督察搜認閭里隨獲且進莫致暫緩二十四
日辛未敕賑恤京中高年隱居及飢病百姓等二十
六日癸酉敕國家隆泰要在富民倉廩充實良由有
年故耕耘及時必致京坻之蕃稼播失候還招飢饉
之憂農之爲道豈不勗歟去年炎旱作災嘉穀凋萎
百姓阻飢國用闕乏雖災異之臻則是天道而庶民
之愚恐有倦惰方今青陽入序俶載南畝勸課之事
適在此時宜告五畿內諸國戒以農事隨時催勸莫

域

致懈怠三月六日壬午分遣六衛府搜捕京中竊盜
十九日乙未敕頃者風俗澆漓凋弊相屬省費之術
儉約是憑宜自今以後女所服裝夏之表紗冬之中
裙不論貴賤一切禁斷一裳之外不得重著夏四月
丙午朔日有食之八日癸丑灌佛於清涼殿灌佛始
于此二十二日丁卯頒行諸司百官改正格式二十
三日戊辰敕敬神如在視民如子國宰能事古今通
規是以屢施條章觀彼治道而吏乖公平民苦疾疫
年穀不登飢饉荐臻論之政迹理合懲肅宜更下知
五畿內七道諸國改既往之怠成方來之勤巡行所

部修造神社禰宜祝等若有怠者依格決罰二十五
日庚午奉幣松尾賀茂乙訓費布禰丹生川上雨師
巫水等社祈澍雨防風災五月二日丁丑但馬言養
父郡兵庫鼓無故夜鳴聲聞數里又氣多郡兵庫鼓
夜自鳴聲如行鼓是日敕五畿七道諸國播殖黍稷
稗麥大小豆及胡麻等類五日庚辰以後太上天皇
不豫停節八日癸未後太上天皇崩十三日戊子葬
淳和天皇十七日壬辰公卿奏請易服臨朝十九日
甲午詔曰比者昊穹不弔後太上天皇登遐龍髯之
駕方遙鳳紼之行靡反朕甫鍾菴疚痛結荒衿懷荼

蓼以纏悲制苴慕而展禮夫慎終追遠自有通規以
日易月唯稱權變而葬訖釋練載在遺訓群公虔奉
確請莫違憑几之言理難拒忤至公之議抑當有徇
故今屈恩心以從權奪宜告中外俾知此意二十日
乙未以飯米錢賑給京師飢病者二十三日戊戌天
皇除服臨朝二十五日庚子攝津飢賑之六月九日
癸丑祈雨於費布禰丹生川上雨師諸社十三日丁
巳敕去年秋稼不登諸國告飢今茲疫癘間發大傷
未弭加以季夏不雨嘉苗擬樵夫銷殃受祐必資般
若之力護國安民事由修善之功宜命五畿內畫轉

大般若經夜修藥師悔過限以七日禁斷殺生十四日戊午亦修讀經悔過於十五大寺十五日己未奉幣帛於太神宮及賀茂松尾等社又令內外諸國奉幣神祇祈雨十六日庚申詔曰愆后撫運定約已而臨人明王會昌必推心而濟物是以義農隔代同期於勤勞飭華殊時共均於愛育朕祇膺景命嗣守丕基日慎寘懷不以九重自樂夕惕興想每以億兆爲憂而政化未孚至誠靡達去年陰陽乖隔秋稼弗登頃者偏允淹旬藝殖或損如聞諸國飢疫徃徃喪亡朕之菲虛愆允何罪仰誓前烈德是除邪內求諸心

抑可挹損其朕服御常膳等並宜省減左右馬寮秣穀一切權絕諸作佞非要者量事且停控圍之中恐有冤者速命所司申慮放出加之天下諸國有水之處任令百姓灌溉先貧後富艱寡孤獨不能自存者量加振贍其臥病之徒無人視養多致夭折凡國郡司爲民父母而不顧念豈稱子育宜就班穀藥令得存濟又免除五畿內七道諸國去兼和二年以徃調庸未進在民身者但東海東山山陽三道驛戶田租限三年殊^從原免庶油雲布影施耳澤於十旬嘉苗亘原貯京坻於萬畝十八日壬戌大雨二十二日丙寅

公卿奏請^減五位已上封祿不聽二十八日壬申公卿
又奏請權中納言藤原良房傳旨曰食封之家依請
減之人別四分之一但四位五位秩祿唯薄今年之
間不可減省二十九日癸酉敕頃者澍雨頻降嘉穀
滋茂如有風災恐損農業宜令五畿內七道諸國奉
幣名神豫防風雨秋七月五日戊寅奉幣帛於大神
宮以祈秋實七日庚辰右大臣兼上皇太子傳藤原
三守薨十日癸未令五畿七道諸國諒闇之間停釋
奠二十一日甲午御紫宸殿始覽萬機八月八日辛
亥以大納言源常爲右大臣兼左近衛大將如故_{以兼}

_{下補}二十二日乙丑加源常皇太子傳九月二十一
日癸巳太宰府言肥後阿蘇郡神靈池涸四十丈冬
十月二日甲辰日有食之四日丙午以旱減皇太子
膳四分之一二十一日癸亥以不豫誦經於京師七
寺二十六日戊辰西方有聲如鼓十二月二十七日
巳巳太宰府言新羅張室高私遣使獻方物却之
八年辛酉春正月壬申朔以諒闇廢朝四日乙亥延
僧於清凉殿晝讀藥師經夜結界悔過二月十三日
甲寅以飢饉給復出羽百姓二萬餘人一年是月信
濃地震三月壬申朔禁春日神山狩獵伐木二十八

日巳亥詔曰聖哲凝範應天心以運行昊穹演鑒隨
人事而通感故殷王修德桑穀自枯宋景崇善法星
遽退朕以寡昧祗膺寶圖虛已勵精日慎一日先王
經國之道永言涉求列聖綏民之方載深追採所以
人無疵癘世致雍熙而明信未孚咎徵斯應太宰府
言肥後國阿撫郡神靈池涵一定之盈科歷水旱以
自若而今無故涸減四十丈靜思厥咎朕甚懼焉詢
之蓍龜告以旱疫今欲因循往烈則象前規施以德
政防茲災眚宜每寺齋戒共致薰修每社奉幣式祈
靈祐天下蒸民今年雜徭縱難事多莫過卅日至於

右間逾亦省之鰥寡惻獨不能自存者量加振濟凡
厥國宰咸自策勉詳求人瘼使無寃滯且夫旱暵之
來或開恒數自非巨變唯在勤救而已宜脩理陂池
勿乏溉灌又太宰府者匪亶古來鎮遏之區兼又當
時怪見之地也最須先慎以備不虞夏四月辛丑朔
日有食之二日壬寅救神明之感非信不通帝王之
功非道何達宜令五畿內七道諸國國司講師相共
齋戒於部內諸寺轉讀金剛般若經庶使紫宸增寶
筭之長赤縣絕夭折之患兼復風雨調適年穀豐登
三日癸卯日赤如血二十九日巳巳奉幣松尾賀茂

乙訓費布襦垂水住吉雨師神祈雨防風五月三日
壬申遣參議正躬王於神功皇后山陵禱國家平安
十二日辛巳雨十四日癸未讀經於八省院以祈雨
是日雨二十日己丑遣勘解由長官和氣仲世奉幣
八幡大神及香椎廟是日敕修福滅罪佛道是先傳
法興教人倫爲本如聞諸國定額寺堂舍破壞佛經
曝露三綱擅越無心修理頃年水旱不調疫癘間發
靜言其由恐緣彼咎宜重下知五畿內七道諸國修
理莊嚴定額寺堂舍并佛像經論今須每寺立可修
理之程付朝集使言上習常不革並處罪科六月庚

子朔享紫宸殿敕頃者年雨屢降苗稼滋茂此則修
善之功時致感應宜令內外諸道準去四月二日格
旨迄于秋收國司講師率國分僧轉讀金剛般若經
以祈豐年二十二日辛酉遣使奉幣大神宮及賀茂
御祖社以禱池涸地震之災秋七月五日癸酉詔曰
上玄無私運神功而下濟至人忘已推聖德而敷仁
是以四眚未入舜貽沈首之憂一物有違禹發陷危
之軫朕膺丕命祇守宗祧詢萬機而停食矜民瘼而
無寐而惠化罔孚至道猶鬱咎徵之戒不言而臻如
聞伊豆國地震爲變里落不究人物損傷或被壓沒

靈譴不虛必應批政瞻言往躅內愧于懷傳不云乎
民惟邦本本固邦寧朕之中襟諒切字育故今殊發
中使就加慰撫其民居散逸生業陷失者使等與所
在國吏斟量除當年租調并開倉賑救助修屋宇淪
亡之徒務從葬埋夫化之所被無隔華夷惠之攸覃
必該中外宜不論民夷普施優恤詳暢寬弘之愛副
朕推溝之懷十五日癸未震於大極殿東樓雨雹大
如碁子二十一日己丑敕令五畿七道諸國奠幣各
神以祈嘉穀二十六日甲寅御八省院奉幣帛於大午
神宮以祈豐年八月十九日丙辰以太宰府曹百四

口充對馬島防人丁卯晦雨水奠幣雨師以祈晴九
月戊辰朔洪水漂流百姓廬舍壞京師橋梁及山碕
橋冬十月四日庚午不豫遣使誦經都下七寺及平
城七大寺翌日而瘳二十七日癸巳又不豫二十九
日乙未以卜不豫有伐陵木之崇遣參議正躬王右
近衛中將藤原助等禱於柏原山陵十一月丁酉朔
日南至公卿表賀六日壬寅彗星西方見二十日丙
辰赦詔曰賦象不忒九玄施仁與物爲春一人救世
故能功高振古軒昊之化允諧事美遐年勛華之業
逾峻朕以寡昧忝臨黎苗撫事思慤每深懷抱迺者

有司奏言今年十一月朔且冬至當天統之嘉數發
無疆之丕基歷駕說而希聞佇上德而演貺夫乾鑿
玄遠必感聖筮自顧非虛何入靈睭思與天下共斯
休祉庶施愷澤於萌俗答嘉貺於昊穹十二月十七
日壬午以彗星屢見讀大般若經於八省院三日又
令五畿七道諸國讀之迄期禁殺生十九日甲申左
大臣藤原緒嗣等上日本後紀此條類聚國史二十二日丁
亥長門言渤海來貢

九年壬戌春正月三日戊戌親于太上天皇及太皇
太后二月三日戊辰地震二十九日甲午地震三月

十一日丙午敕比者春雨降少枯旱日多百姓輟耕
不能播種宜準弘仁九年四月二十五日格不問王
臣田所有水之處任令百姓耕作降種遷種之後各
歸其主神寺田宜同準此又漑水養田先賤後貴但
事權時不得爲例十五日庚戌敕五畿七道諸國讀
經悔過於國分寺限三日夜禁止殺生若有天行之
處國司到境祭疫神共禱豐稔是日遣使祈雨費布
禰住吉垂水丹生川上等諸社十六日辛亥地震無
品恒統親王薨二十二日丁巳遣使祈雨松尾鴨御
祖別雷乙訓等名神是日雨夏四月十一日乙亥以

修理內裏遷御冷然院五月二十七日庚申敕五畿
七道諸國及太宰府祭疫神此條類聚國史六月五日戊辰
遣使奉幣太神宮祈禳疫氣十五日戊寅地震二十
三日丙戌澍雨大降秋七月三日乙未以有崇遣使
奉幣筑前宗像神竈門神肥後健甞龍神等諸社六
日戊戌奉幣費布禰乙訓丹生川上雨師神社祈雨
是夕雨八日庚子以上皇不豫停相撲節十一日癸
卯罷大納言橘氏公右近衛大將此條補任以中納言藤
原良房兼右近衛大將十四日丙午詔曰春生夏長
聖皇流愷悌之恩含垢藏瑕愆后存寬大之令矧深

仁所感神乃降於殊祥積德攸鍾天必貽於永福頃
者太上天皇聖躬不豫秋景暉少仙雲色愁朕自苔
熱病未陪膏藥於是命從御以備駕佇悶熱之有間
而心事不諧晨昏推去將恐臣子之道有缺孝敬之
至不申終日低頭通宵忘寢精誠之禱靡所不臻而
幽明之扶猶有未應思憑作解之施冀致翌日之瘳
可大赦天下常赦所不免咸赦除十五日丁未太上
天皇崩準據遺詔停百官及五畿七道諸國舉哀素
服之禮十六日戊申葬嵯峨天皇十七日己酉春宮
坊帶刀伴健岑但馬權守橘逸勢等謀反發覺令六

衛府固守宮門分遣右近衛少將藤原富士麻呂右馬助佐伯宮成捕之遣使守山城五道十八日庚戌冷然院松樹自折十九日辛亥掃獄宥盜左京工町災是日命神祇伯大中臣淵魚祈禱伊勢八幡以謝卜早有崇二十日壬子轉讀大般若經於大極殿三日以祈雨遣使班給遭火百姓錢二十一日癸丑雨須臾晴更延讀經二十三日乙卯天皇御冷然院詔廢皇太子大納言藤原愛發中納言藤原吉野參議兼春宮大夫文室秋津等以下貶黜有差二十四日丙辰遣參議朝野鹿取等於嵯峨山陵告廢太子是

日遣使賑贍京師二十八日庚申流橋逸勢於伊豆伴健岑於隱岐八月壬戌朔公卿表請立太子二日癸亥詔曰迺者遭家不造慘結兢惶劔舄總存橋山之慕彌切天地改色諒闇之居弗寧而凶邪扇惑將行不軌宗祐降祐覺露伏辜事屬震宮游雷失耀今群公以斷金之誠致立嗣之請趣由憲章非可謙拒然而周建季歷木運干斯克昌漢黜臨江炎政藉之延祚朕之菲薄無子賢明宜擇神授之英徽立玄鑒之詔遠展也大成則所望矣四日乙丑公卿重上表請立太子是日詔立道康親王爲皇太子以右大臣

源常為傳兼左近衛大將如故十一日壬申奉幣大
神宮祈稼穡豐稔十四日乙亥地震二十七日戊子
詔曰百城煙峙振綱紀者歸乎牧千里風行班章條
者待乎宰是以懸衡御弁握鏡臨圖欲廣雍熙之功
必資循良之吏朕以虛寡懋惟帝績割班符以責成
分憂之職攸憑紆銅墨以推最求瘼之寄斯在而朝
章難副國憲易纏躬不率正私顧之謗滋興職卑恰
居公方之節已墜單父之民未感絃歌清河之吏屢
陷徽纒劾狀盈閣已洽斷文載車不勝近緣大行天
皇聖躬不豫敷暢鴻恩流滌塵穢而有司執奏不在

珪

敘限朕悲夫春枯之樹雷蟄之蟲或身歸農野撫華
髮而惕慮或志在名節望榮路而絕思此之可愍畜
干素懷宜兼和九年八月二十七日以前外吏秩滿
未得解由者已言上未言上咸悉原免兼和二年以
往雜米雜穀及五年以往雜交易等並皆停留莫責
輸貢朕聞於舊事訪之遺塵恩雖無涯赦亦有限而
今日之所行先王可不放既不依祖業豈須貽孫謀
後代之論者亦將知乎此誠念欲令一躡之驥更展
足於長途詔文類聚國史九月五日丙申敕令相模武藏常
陸上野陸奥等國寫進三史二十日辛亥敕去四月

四日卜曰來年春夏間可有疫氣宜奉幣大神宮及天下名神防災未然二十七日戊午冷然院大垣西北角無故頽壞二許丈冬十月十四日甲戌敕左右京職東西悲田燒歛嶋田鴨河原等髑髏二十二日壬午彈正尹三品阿保親王薨二十三日癸未充義倉物於悲田聚葬鴨河髑髏十一月辛卯朔不豫十四日甲辰地震十七日丁未遷自冷然院御禁宮二十一日辛亥西南有雷聲十二月五日乙丑始御紫宸殿十二日壬申地震十五日乙亥西南有雷聲二十日庚辰詔遣參議滋野貞主奉神宝弓劔等於盾

列山池上陵祈國家平安

十年癸亥春正月庚寅朔以諒闇廢朝十八日丁未左大臣藤原緒嗣致仕二月庚申朔日有食之三月二十五日甲寅賑給義倉物於東西悲田病者及貧窮者夏四月己未朔盾列陵守等言去月十八日山陵鳴聲如雷有赤氣南飛晡時又鳴赤氣西飛二十一日己卯使參議藤原助掃部頭坂上正野等謝盾列北南二山陵五月己丑朔日赤無光終日不復八日丙申以鎮內裏怪并天變讀藥師經於清涼殿修藥師法於常寧殿轉大般若經於大極殿限以三日

諸司醋食兼禁殺生十三日辛丑地震二十六日甲寅置萬花會萬燈會於元興寺立爲恒例六月戊午朔令正六位上菅野高年於內史局始讀日本紀是月伊賀尾張參河武藏安房上總下總近江上野陸奥越前加賀丹後因幡伯耆出雲伊豫周防飢賑恤之秋七月二十九日丙辰晦百官即吉八月七日癸亥御大極殿遣使奉幣帛於太神宮八日甲子信濃言瑞雲見二十四日庚辰以禳怪異轉讀大般若經於大極殿修法於真言院五日諸司潔齋九月二十一日丙午宴紫宸殿二十九日甲寅肥前豐後薩摩

壹岐對馬飢賑給之冬十月十八日癸酉遣使奉幣香推廟禱國家太平是日公卿封祿後詔曰朕道昧司牧富教之風仍虧政乖雍熙人之九載之貯往者亢旱爲害秋稼不登顧經給之不周暫損朕御之費而卿等志叶退食切深權宜分析封祿以助公用是救弊之緩急興邦之變通朕雖答匪躬之誠猶懷化膏之愧適屬兼秋之頽熟知資用之稍支所減祿封宜一從舊貫十一月九日癸巳地震十二日丙申遣參議正躬王奉幣帛於賀茂神社祈國家昌泰十二月二十二日丙子從五位上文室宮田麻呂謀反

發覺諸門戒嚴二十九日癸未流宮田麻呂於伊豆
十一年甲子春正月甲申朔以大雪廢朝三日丙戌
親太皇太后於冷然院二月甲寅朔日有食之九日
壬戌行幸水成瀨野二十五日戊寅行幸交野三月
二十六日巳酉親太皇太后於冷然院夏五月十六
日戊戌越前飢賑之六月癸丑朔宴紫宸殿四日丙
辰若狹飢賑之七日巳未太宰府獻白鳥秋七月二
日癸未以右大臣源常為左大臣兼左近衛大將皇
太子傳如故兼巳下補任大納言橘氏公為右大臣十二
日癸巳轉讀大般若經於八省院祈雨閏月壬子朔

宴紫宸殿七日戊午御仁壽殿覽林邑樂二十一日
壬申奉幣大神宮祈防風雨災八月十三日癸巳幸
北野九月十日庚申白虹見於外記曹司廳前冬十
月六日乙酉御八省院遣使奉幣太神宮十八日丁
酉行幸水沼野及并河以上二條本書皆置十一月
今推于支十二月所無而類
聚國史紀畧共係十月且本書上文已有
十月庚辰朔紫宸殿宴等條蓋錯簡今訂之十一月
二十九日丁丑行幸水成瀨野

十二年乙丑春正月戊申朔以大雪廢朝二月戊寅
朔宴紫宸殿十四日辛卯幸水成瀨野二十五日壬
寅遊獵河陽三月六日壬子以有怪轉讀大般若經

於禁中及真言院兼修陀羅尼法限五日夏四月二十七日癸卯奉幣畿內名神五月丁未朔轉讀大般若經於大極殿七日以祈雨五日辛亥停節六日壬子大雨十二日戊午不豫誦經七寺十六日壬戌瘳秋七月丙午朔日有食之二十七日壬申遣使奉幣大神宮祈晴二十八日癸酉山城飢賑之八月四日戊寅地震二十五日己亥又震此條類聚國史九月二十一日乙丑暴雨大風二十六日庚午讀經於紫宸殿此條類聚國史冬十月十四日戊子不豫類聚國史十三年丙寅春正月三日乙巳親太皇太后於冷然

院二十七日戊戌地震三月九日庚戌敕五畿內諸國甄錄所在皇胤以紂真偽十九日庚申大和言山邊郡長屋鄉牛產三足犢夏五月十三日癸丑讀經於八省院三日以祈雨二十九日己巳出羽飢賑之秋八月十七日丙戌慶延曆寺定心院冬十月二十七日乙未敕天下修佛名懺悔立為恒式十二月十一日戊寅西大寺講堂火

十四年丁卯春正月戊戌朔以大雪廢朝三日庚子親太皇太后於冷然院二月十日丙子赦流入六十二人入京三月十一日丙午轉讀大般若經於清涼

殿修真言法於常寧殿御八省院奉幣太神宮閏月

本書脫閏月二字
今據曆法補之

四日己巳天鳴餘響殷殷數刻而

止十三日戊寅有鳥億萬繞日上下自日中至黃昏

十五日庚辰集八百僧於城中講仁王經以祈國家

昇平是月數有群鳥遲明蔽天東飛夏四月六日庚

子幸神泉苑五月十一日乙亥先是天皇受莊子於

文章博士春澄善繩是日設宴於清涼殿二十七日

辛卯召春澄善繩於清涼殿讀漢書六月三日丙申

大風雨發屋折木四日丁酉遣使奉幣松尾祈之甲

戌按是月無甲戌蓋甲辰
之訛甲辰乃十一日也常陸新治郡女子一產三

子賜正稅稻三百束二十一日甲寅以左相樸司伐

葛野郡槻樹作大鼓有崇奉幣及鼓於松尾祈謝之

秋七月二十三日丙戌奉白馬幣帛於丹生川上雨

師祈晴八月癸巳朔宴紫宸殿十七日己酉遠江蔡

原郡女子一產三子賜正稅三百束九月十八日庚

辰入唐求法僧慧雲獻孔雀鸚鵡狗冬十月十九日

辛亥授雙丘東墳從五位下每遊獵駐驛以四望故

爵之二十日壬子幸雙丘大池放鷹十一月九日辛

未天北有聲如雷十七日己卯遣使京畿大寺三十

六所誦經修福二十日壬午有大流星東行十二月

十九日庚戌右大臣橘氏公薨

嘉祥元年戊辰春正月四日乙丑令七道諸國貢身長六尺已上者十日辛未以大納言藤原良房為右大臣二十日辛巳幸神泉苑放隼二十九日庚寅有狂夫欲闖入陰明門門衛捕之二月十日庚子上總馳傳奏俘囚孔子廻宅等叛救相摸上總下總等五國討之十二日壬寅上總奏斬獲俘囚五十七人二十日壬子地震聲如雷犬皆驚吠二十六日丙辰不豫是日宮城坤角垣尾無故頽落三月六日乙丑神泉苑東垣尾八丈餘無故頽落八日丁卯地頻震

十三日壬申伊豆淡路飢賑之二十一日庚辰依前

相摸代橘永範請置相摸救急院格二十八日丁

亥地震夏四月三日壬辰地震五日甲午幸神泉苑

轉御冷然院遂幸北野十五日甲辰遣內豎七人誦

經諸寺十七日丙午幸冷然院五月己未朔日有食

之六日甲子四品良負親王薨七日乙丑天皇不豫

頒使七寺同時誦經十日戊辰御武德殿閱覽武藝

二十二日庚辰避暑冷泉院是日地震壬申李書引

任官條壬申乃十四日也此蓋壬午之訛壬午二

十四日也然類聚國史紀畧亦作壬申故不輒改太宰府獻白龜六月二日己丑奉幣雨師神社以祈晴

三日庚寅越中飢賑之是日公卿上表賀白龜瑞五
日壬辰敕曰靈心演貺佇休曆而必臻神道効禎在
至仁而斯感是以遊蓮瑞質表昌化於堯壇戲藻竒
姿契禎期於軒浦朕嗣膺寶曆恭纂璠圖道謝鴈行
風慙雉飲宵衣禹室空慙納烝之心肝食堯宮未致
可封之化而今卿等表賀如斯朕之菲虛何以克任
况彼神無常祐惟德是依瑞無常臻因化呈象故室
祚之慶在道不在神天下之平惟人不惟瑞但使內
富騶虞之相非求水伯之榮光朝盈鴻漸之英何用
波臣之耀彩卿等宜叶濟匡以助薰風嘉祥之美情

所未特八日乙未公卿重表賀式部省及僧綱等亦
上表賀十日丁酉敕奉幣天下名神豫防雨害十三
日庚子改元嘉祥詔曰玄栒丹軸通上靈以凝禎祥
津伯鱗宗暢潛貺以發祺祉名爲巨瑞千載而稀一
遭謂爲四靈百王之所同貴近者太宰府獻白龜所
管豐之後國大分郡擬少領膳伴公家吉於寒川石
上得之公卿上表依據圖牒實合大瑞朕自君臨赤
縣子愛蒼朮勞甍體於萬機空成睭眚而被薰腴於
億兆遂慙勳華何以副上玄之神契應幽贊之冥符
故抑而不宜敕斷慶賀而同稱靈應重表殷懃朕不

忝閒距反覆念之昔王仲任貶儒言以爲溢猶謂麟
鳳之類難萃唐太宗嫌瑞物以爲謙仍令龜龍之流
依旧况皇天之意唯欲愛人众福之臻豈獨在予當
是上賴宗祧之冥祐下緣台輔之懃誠使蠢々含生
同驥首於壽域茫茫率土共開懷於仁風宜播斯雷
雨與天下維新其改業和十五年爲嘉祥元年大赦
天下但常赦所不免者不在赦限令天下無輸今年
田租之半又徭徭役十日若已役者宜折來年大分
之郡嘉瑞攸出全免今年田租早先青衣而施莫致
掛壁之譏二十四日辛亥地震是日不豫誦經諸寺

二十五日壬子地震二十七日甲寅天皇疾瘳秋七
月二日己未奉幣松尾賀茂費布禰雨師社六日癸
亥轉讀大般若經於八省院並祈雨七日甲子有颶
風起自春興殿轉至右近衛俾簸揚炬屋十七日甲
戌奠幣天下神祇告白龜瑞十九日丙子遣公卿等
告瑞於十二諸陵二十六日癸未棲鳳樓閣道有駭
骨二十八日乙酉出雲飢賑之二十九日丙戌震于
東西二京凡十一所八月五日辛卯大雨洪水人畜
漂損六日壬辰遣使巡察京中被水害者齎米鹽賑
恤之八日甲午遣使攝津河內巡察水害閔使近倉

庫賑給之十八日甲辰紀伊言牛一產三犢九月巳
亥按是月無巳亥蓋乙亥鑄新錢詔曰觀天洞八連
三重規疊矩莫不交易以強國代遷以利民故鷹揚
神文立九府之圖經龍相夫人施五銖之異制象乾
坤之方圓同川岳而流積無遠不往無深不臻使用
輕通家國同利但輕重有異子母相通影入星榆形
圖水行用捨之端無定小大之變隨時今者天賜嘉
祥曆改年號若使銖文貨制仍舊不悛恐乖變通之
規或罹流弊之咎宜改舊貫於鳧銖舊新彩於金刀文
曰長年大宝一以當舊之十新之與舊並用雜行將

令用而不倦既富之而教之是日遣左中辨藤原嗣
宗等築茨田隄冬十月五日辛卯幸神泉苑七日癸
巳地震十日丙申御內裏射場賜錢有差十四日庚
子不豫遣使誦經七寺二十日丙午地震二十二日
戊申本書作戊午今據類幸神泉苑轉遊獵北野二
十六日壬子幸雙岳放隼十二月二日丁亥地震四
日巳丑流刑部少輔和氣齊之於伊豆乙卯晦流大
判事讚岐永直於土左能登奏渤海來貢
二年巳巳春正月丙辰朔以去年天下洪水秋稼不
稔廢朝七日壬戌御紫宸殿覽青馬三月五日巳未

行幸水生瀨野十日甲子地震十四日戊辰不豫誦
經諸寺十九日癸酉宴公卿及近習於內殿賜衣被
二十三日乙亥本書作乙丑今據類聚國史訂之行幸雙丘廻幸冷
然院觀魚夏四月五日戊子敕定諸國穀直十日癸
巳預霜十三日丙申地震五月甲寅朔日有食之十
五日戊辰講金光明經清涼殿三日二十五日戊寅
幸神泉苑公卿集美福門終日宴樂六月癸未朔以
霖雨遣使巡檢京城飢民開倉廩以賑恤丙子是月
子蓋丙午之訛丙
午乃二十四日也不豫誦經諸寺秋七月四日乙卯
地震十九日庚午又震八月壬午朔宴紫宸殿冬十

月二十六日丙子敕聽非人逸勢男龍劔寶山等入
京十一月二十二日壬申皇太子表賀天皇壽四
十猷奇翫珍羞水陸雜物天皇御紫宸殿宴樂終日
十二月十三日壬辰太宰府驛奏豐後權守登美直
名謀叛閏月十日己未車駕巡省京城賑給貧窮者
至囚獄司詔免罪人群臣皆呼萬歲二十一日庚午
公卿已下飲宴於侍從所賜物有差先是紀伊守伴
龍男與國造紀高繼有隙發兵捕高繼敕勘龍男罪
三年庚午春正月庚辰朔以雨廢朝三日壬午地震
四日癸未覲太皇太后於冷然院六日乙酉不豫十

六日乙未垂簾觀蹈歌二十日己亥內宴不御仁壽
殿垂簾覽舞妓於清涼殿二十三日壬寅地震二十
六日乙巳敕左右京職五畿內諸國司搜捕盜賊二
十七日丙午敕五畿七道諸國修灌頂經法以禳疫
癘己酉晦有流星經天落東其大如月色赤青二月
庚戌朔不豫三日壬子本書作壬午今據紀畧改之分遣六衛府
佐已下捕京師群盜令左右近衛各十人巡檢東西
五日甲寅大漸召皇太子及大臣於牀下令受遺制
遣使誦經諸寺奉馬於鴨松尾等名神放鷹犬籠鳥
修延命法於梵釋寺造續命幡懸十二大寺剝召入

僧加持是日諸衛府警固七日丙辰遣參議藤原助
右馬頭藤原春津等於柏原山陵禱疾九日戊午分
遣內豎誦經諸寺十日己未遣使賑恤京師貧民十
三日壬戌誦經七日十五日甲子轉讀大般若經於
紫宸殿三日又修文殊八字法於仁壽殿二十一日
庚午地震二十二日辛未召僧實敏明詮光定圓鏡
等於清涼殿講論法華經三日天皇隔簾聽之二十
七日丙子遣使誦經京城及平城四十九寺懸續命
幡四十旒修延命法三日又命真言僧徒修護摩法
於豐樂院三月五日癸未地震轉讀大般若經於紫

宸殿三日八日丙戌遣使誦經兩京及畿內近江丹
波等一百寺圖畫帝釋像一百鋪安置各寺十日戊
子遣使誦經京城七寺十一日己丑受永不殺生成
於僧道詮等修理破壞寺百院遣使誦經十三大寺
十二日庚寅鈴印櫃鳴聲如振十四日壬辰天皇彌
留左右非違獄中罪人除盜之外悉從放免十七日
乙未馳使誦經詩寺十八日丙申聽流人和氣齋之
讚岐永直入京免豐後權守登美直名紀伊守伴龍
男等罪十九日丁酉修七佛藥師法於清涼殿懸七
佛像於簾前立七重輪燈於庭中度僧十人於紫宸

殿南庭先是有詔度五百人是日天皇落飾受戒二

十一日己亥地震天皇崩於清涼殿年四十一二十

五日癸卯葬於山城紀伊郡深州山陵謚曰仁明天

皇謚已下文世稱深州帝愚管鈔神置國忌於東寺

江家遺制薄葬以帛布代綾羅停鼓吹方相天皇獻

哲聰明包綜衆藝最耽經史講誦不倦能練漢音辨

其清濁柱下漆園之說群書治要之流凡厥百家莫

不通覽兼愛文藻善書法學淳和帝之草書人不能

別也工射屢御射場至鼓琴吹管最得其妙留意醫

術盡諳方經嘗從容謂侍臣曰朕年甫七齡得朕結

病八歲得臍下絞痛之病尋患頭風加元服後三年始得胸病如錐刺刀割於是服七氣丸紫苑生薑等湯冷泉聖皇憂之敕曰予昔亦得此病衆方不効欲服金液丹白石英衆醫禁之不許予猶強服遂得疾愈今聞所患非草藥之可治可服金液丹若詢諸俗醫必駁論不肯宜喚海淡海淡本書一本淡海論辨服之乃服丹藥果得効驗兼爲救解石發設自治之法以備倉卒今至晚節熱發多變救解有煩世人未知朕躬之本病上皇之敕旨必謂妄服丹藥兼絕自治而敗焉宜記由來令免此謗天皇從少小疴羸然春秋

既踰四十蓋由修善行仁服食輔養之力者歟善清三行意見封事仁明帝在位尤好奢靡彫文刻鏤錦綺綺組傷農事害女功朝製夕改日變月後房內寢之飾飲宴歌樂之儲麗靡煥爛冠絕古今府帑由是空虛賦歛爲之滋起於是天下之費二分而一此與本史甚不相類疑是史舉其美封事介其實乎

天保十己亥年三月十二日謹書寫之

中村萬喜直道

